



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXLVII. ad annum CCCCI.

Parisiis, 1644

Concilium Vasense Svb Iulio I.

urn:nbn:de:hbz:466:1-15256

priores illum complexi sumus, & communione cum eo inita, has salutationes vobis mittimus, & haec nostra gratulantia vota; ut cognoscatis, nos copula communionis illi coniuctos esse. Vestrum autem est pro pietate religiosissimorum imperatorum orare: qui & ipsi in gratiam vestri desiderii, illiusque innocentiae, quam iam cognitam habent, eum cum omni honore restituere voluerunt.

ANNO
CHRISTI
350.

Pronis igitur manibus eum excipientes, gratulatorias preces (ut par est) Deo qui haec tribuit, offerre studete, ut semper in Deo gaudeatis, & glorificetis Deum in Iesu Christo Domino nostro, per quem patri suo gloria in saecula saeculorum.

CONCILIVM VASENSE

b S V B I V L I O I.

C A P. I.

*Vt qui oblationes defunctorum retinent,
excommunicentur.*

15. q. 2. qui
obligatio-
nes.

Piis legatis
non satisfa-
cientes ex-
communi-
candi.

QVI oblationes defunctorum retinent, & ecclesias tradere demorantur, ut infideles, sunt ab ecclesia reiiciendi: quia usque ad inanitionem fidei peruenire certum est hanc diuinæ pietatis exacerbationem: quia & fideles de corpore recedentes, votorum suorum plenitudine, & pauperes consolatu almoniarum & necessaria sustentatione fraudantur. Hi enim tales, quasi egentium necatores, nec credentes iudicium Dei, habendi sunt. Vnde & quidam patrum hoc scriptis suis inseuit, congruente sententia, qua ait: amico quipiam rapere furtum est; ecclesiam fraudare, sacrilegium.

ANNO
CHRISTI
350.

IVLIVS VASENSE. CONSTANTIVS³ IMPP. II9
P. I. CONSTANS

ANNO CHRISTI CAP. II.

Vt in omnibus Missis siue matutinis, siue quadragesimalibus, vel quæ in defunctorum commemorationibus fiunt, semper sanctus, sanctus, sanctus dicatur: & ut nomen papæ urbis Romæ, quicumque sedi apostolicæ præfuerit, in nostris ecclesiis recitetur.

Et in omnibus Missis siue matutinis siue quadragesimalibus, siue in illis quæ in defunctorum commemorationibus fiunt, semper sanctus, sanctus, sanctus eo ordine, quo ad Missas publicas dici debeat: quia tam dulcis & desiderabilis vox, etiam si die noctuque posset dici, fastidium non potest generare. Et hoc nobis iustum visum est, vt nomen domini papæ, quicumque sedi apostolicæ præfuerit, in nostris ecclesiis recitetur.

Nomen pa-
pæ recitan-
dum in ec-
clesia.

C A P. III.

*Vt propter hæreticorum incredulitatem, post Gloria Patri, etiam Sicut erat in principio, &c.
semper dicatur.*

Et quia non solum in sede apostolica, sed etiam per totum orientem & totam Africam vel Italiam, propter hæreticorum astutiam, qua Dei filium non semper cum Patre fuisse, sed a tempore fuisse blasphemant, in omnibus clausulis post Gloria Patri, &c. Sicut erat in principio, &c. dicitur, etiam & nos in vniuersis ecclesiis nostris hoc ita dicendum esse decreuimus.

N O T A E.

* *Concilium Vafense.]* Tria Vasione siue Vafatis in Gallia Narbonensi habita fuerunt Concilia. Primum sub Constantio imperatore & Nectario Viennensi, vt testatur Ado Viennensis in chronicis his verbis: *Florebant, inquit, & tunc temporis* (nimurum quo Maximus

Tria Va-
sense Con-
cilia.
Primum
quando ha-
bitum fue-
rit.

nus episcopus Treuirensis, cuius immediate præcedentibus verbis mentionem fecerat) *Nectarius Viennensis episcopus in doctrina fidei eximus, qui in Vafensi illa Synodo venerabilis primus interfuit, & Patri & Filii & Spiritus sancti unam esse naturam & potestatem & deitatem & virtutem in ecclesia publice predicauit & docuit.* Secundum, sub consulatu Dioscori anno Dom. 442. qui est Leonis 3. & Theodosii 35. Tertium, sub consulatu Decii iunioris², anno nimurum Christi 463. vel quod ex subscriptione Cæsarii episcopi verius puto, circa annum Domini 524. nam ante haec tempora, Cæsarius abbas dumtaxat non episcopus fuerat. Horum Conciliorum Canones ita confusi existunt, ut qui quovis singulorum sint, certo cognosci nequeat. Ego vero cur tres supra positos inde hue transtulerim, dicam infra in notis eorumdem Canonum.

Canones
Valensium
Concilio-
rum con-
fusi.

Vafio vrbis
qua & qua-
lis.

Hoc cum reliquis duobus appellatur Vasense aut Vasionense, a Vasiono, quæ est oppidum Vocontiorum in Gallia Narbonensi; cuius meminit Ptolemaeus lib. 2. cap. 10. Plinius libro tertio, capite quarto; Pomponius Mela libro 2. cap. 5. Sed cur non potius pro Vafensi, Vasatense nominauerimus, a Vafatis ciuitate in Gallia Narbonensi? de qua Paulinus ad Ausonium:

*Quique superba tua contemnis mœnia Roma.
Consul, arenosas non dedignare Vafatas.*

Et Paulinus iunior in carmine eucharistico:

*Exactis laribus patriis, teatisque crematis,
Obsidio hostilis vicina exceptit in urbe,
Vafatis patria maiorum ipsa meorum, &c.*

Porro creditur haec illa esse ciuitas, quæ modo vulgo dicitur *Bafas*: fuisse quidem illam sedem episcopalem, Sidonius in epist. ad Basiliis verbis declarat, dum illius prouinciae deplorat calamitatem: *Burdegala, Petrogorii, Ruteni, Lemouices, Gabalitani, Helusani, Vafates, Conuenæ, Ausenses, multoque maior numerus ciuitatum, summis sacerdotibus ipsarum morte truncatis, nec deinceps ullis episcopis in defunctorum officio sufficiunt.* Nos cum Baronio anno Christi 442. num. 3. hanc Synodus Vafatis celebratam esse, libentius dixerimus.

Vafense
primum
sub Julio
pontifice
celebratu.

^b *Sub Julio.*] Si quod asserit Ado Viennensis in chron. haec Synodus celebrata est tempore Maximini Treuirensis episcopi adhuc superstitis, sub Julio eam celebratam fuisse oportet. Paulinus enim eiusdem sedis episcopus initio pontificatus Liberii Maximino successit, ac paulo post ab Arianis relegatus, in exilio martyrio occubuit, ut infra patebit.

Cap. I.
Sitne hic
Canon pri-
mi an feci-
di Vafensis
Concilii.

^c *Qui oblationes defunctorum.*] Hic Canon est quartus Concilii Valensii secundi: quia vero trium Conciliorum Vafensem diuersis temporibus celebratorum Canones confusi existunt, hunc primo Concilio restituimus, ideo quod is Concil. Arelat. secundo nominatum citetur Can. 28. his verbis: *Secundum constitutionem Synodi Vafensis, qui oblationem fidelium suppresserit aut negaverit, ab ecclesia cui fraudem fecit, excludatur.* Baron. anno 314. num. 50. & 325. num. 17.

^d *Et in*

ANNO CHRISTI 350. ^d *Etin omnibus Mis̄is.*] Hunc Canonem de canendo trifagio in primo Vasensi Concilio contra doctrinam Arii statutum fuisse, affirmat Baron. anno 442. in fine, ideo scilicet, ut in omnibus diuinis mysteriis laudes sanctissimae Trinitatis occinerentur.

^e *Et quia non solum in fide apostolica.*] Cum Ariani blasphemantes dicerent, Filium a Patre in tempore factum, & fuisse tempus quando non erat: Placuit Nicenii Concilii patribus, quod etiam supra in notis eiusdem Concilii diximus, ad antiquum glorificationis hymnum hunc, *Gloria Patri & Filio*, illam appendicem adiicere, qua dicitur: *Sicut erat in principio & nunc & semper, & in secula seculorum, Amen.* Quæ appendix cum ab hoc Vasensis Concilii Canone recepta fuerit, concedi debet, eumdem esse illius Vasensis Synodi, quæ temporibus Iulii pontificis & Constantii imperatoris celebrata fuit paulo post Concilium Nicenum. Vide Baron. anno Christi 325. num. 176. & 177. item anno 442. in fine. & anno 463. num. 14.

VITA, EPISTOLÆ ET DECRETA LIBERII PAPÆ.

Ex libro pontificali Damasi papæ.

ANNO CHRISTI 352. **L**IBERIVS natione Romanus, ex patre Augusto, ^b sed annis sex, mensibus tribus, diebus quatuor. ^c Fuit autem temporibus Constantii filii Constantini usque ad Constantium Augustum ^{*} octauum. ^d Hic a Constantio deportatur in exilium, eo quod noluisset haeresi Arianae consentire: & ^e fuit in exilio annos tres. Et ^{*} congregantes sacerdotes Concilium, ordinauerunt in locum eius episcopum Felicem presbyterum venerabilem virum. Et fecit Conciliū Felix, & inuenit duos ^{*} episcopos contentientes Constantio Augusto Ariano, nomine ^g Vrsacium & Valentem, & damnauit eos in Concilio quadraginta octo episcoporum. ^h Post paucos autem dies, zelo ducti Vrsacius & Valens rogauerunt Constantium Augustum, ut reuocaret Liberium de exilio, ut ^{* i} vna tantum communione participaret, extra secundum baptismum. Tunc missa auctoritate per Catulinum agentem in rebus, simul & Vrsacius & Valens venerunt ad Liberium. Qui ^k Liberius consensit præceptis Augusti. Tunc

Concil. Tom. 3.

Q